



赤水玄珠

痘疹門

卅三

武  
216  
3498





五十六  
三十一



毒水玄珠小兒科痘疹心印附小引

生又子曰余鑄赤水業已厠小兒科其間  
矣茲彙襍症為三卷又續痘疹心印為五  
卷者何蓋昔人稱小兒之疾為啞症難之  
也况痘疹之安危限以時刻變幻在於呼  
吸難之難也余故悉心詳小兒之襍症與

小兒痘疹心印



痘疹之觀法投劑於冊專業幼科者究竟  
 五卷而心融焉則用力寡而取効速活幼  
 仁術其在我矣此余分次意也從事此業  
 者原之

痘疹心印 卷四上目錄

痘疹心印小引 原痘 痘不宜毒物醇發

戒用天靈蓋 腎無痘辯 首尾不可汗下辯

審証 總驗部位 驗面 驗耳 驗目

驗鼻 驗唇口 手足 夾班 夾疹 疹即麻也

夾沙 亦麻類粒頭瑣碎吳地呼為沙子其狀如夏月膚膝之痱子

夾疥瘡 白陷灰陷 內潰 痒塌

目睛露白 声啞 水噎 驚搐 附癩癩

煩躁 發渴 暖氣 不食



汗多

諸失血

陰囊發腫

痘後浮腫

驗動靜

發熱有數種

初發熱三朝証治活法

血熱痘症禁忌

痘宜依期施治治貴通變

見標三日証治活法

起壯三日証治活法

賊痘

收靨三朝証治活法

灌膿三朝症治活法

△異痘須知

落痂症及靨後症餘終

婦女痘

瘡癢為効

原疹

麻疹輕重不治三症要訣

水痘疔

終

小兒金鏡痘疹心印卷之四上

新安生生子孫一奎著輯

○痘疹心印小引

生生子曰余考痘之為症上古軒岐秦越人淳于公輩皆未之論列也自東漢建武中南陽征虜染流中國時謂之虜瘡醫者以蜜煎升麻數數拭之然則痘蓋肇于東漢也已顧奈何張仲景華元化王叔和皇甫謐褚澄孫真人王水許學士諸名公亦未之置喙至宋錢仲陽而下陳文



中李東垣王好古朱彥脩乃始言之迨劉昉之  
幼幼新書王賓湖之幼科類萃徐用宣之袖珍  
魁衡之全幼心鑑湯衡之嬰童寶鑑高武痘疹  
正宗汪石山痘疹理辨魏直博愛心鑑李言聞  
痘疹証治痘疹要訣聞人規胡大卿八十一論  
李實痘疹淵源翁仲仁金鏡錄萬菊軒痘疹心  
要俞東皋痘疹卮言皆特以痘疹為言者不下  
數十家各相發明似無遺漏宜乎今之嬰童可  
無虞矣何過年來痘疹一臨殞軀相踵十不保

五曷故哉屈數前書不為不多吐心露膽不為  
不悉豈多岐而亡羊耶抑其術猶有未臻者耶  
嗟嘆書不盡言言不盡意明者當心得之已古  
謂用藥如用兵岳武穆云陣而後戰兵法之常  
運用之妙存乎一心書安能使人人必克勝哉  
矧今之業專門者以痘為秘術為禁方固不道  
其道心其心各師其見各顯其法而不思融洽  
衆理以契所歸故乃宗張喙李是甲非乙殆派  
紛而不會其源曷能齊其治哉余燭斯弊每為



痛心故節錄各家成法，參以鄙意，會而全之，名曰痘疹心印。庶好生君子得以窺其竅妙云爾。

○原痘

萬菊軒曰：上古之時，未聞瘡痘之瘡，素難之文，鮮有及者。豈其人淳龐朴野，精全神虛，邪苛毒莫之能害歟？或云：自建武擊虜，遂染其毒，流布中國，謂之虜瘡。或曰：聖瘡言其變化莫測也。或曰：天瘡言為天行疫癘也。或曰：百歲瘡言人自少至老必作一番也。或曰：晚莖瘡言其形之相

似也。故患此者如蛇蛻皮如龍蛻骨，死生存於呼吸之間。夫上古所無而季世有之，抑時世異耶？抑人將失之耶？余思其繇天地之氣，春夏生養之紀也；其物熙熙，秋冬殺戮之紀也；其物黜黜，時逮末世已非泰和之景，不可謂非時世之異。然人日習偽，不知持滿御神之道，七損八益之數，務快其心，以散其真，不可謂非人自失之也。有論穢毒者，有論淫火者，有論時行正病者，靡有定論。將謂穢毒淫火耶？則一歲之中大而



郡縣小而村落病者相似而死相繼未必人人  
若此之甚也將謂時行正病耶何以自少至老  
但作一次厥後再無傳染也蓋父母於子一胎  
而分精血之毒已畜於陽施陰化之始固不待  
誕生之頃嚙其血而後有是毒也况男子惜其  
氣以養其精女子調其氣以養其血苟失所養  
即貽他日之患子之受於父母者雖殊其為毒  
則一也豈有男子淫火起於氣為陽毒而易治  
女子淫火起於血為陰毒而難治之理耶至於

天行正病亦有其時但觀夫年之所加及有四  
時不正之氣即知有是正病也然則待時而發  
者胎毒也或速而危或徐而持或暴而死者氣  
之微甚所使也發則其毒洩矣所以終身但作  
一度後有其氣不復傳染焉

孫季子朋來曰淫火即胎毒也天行即疫癘致痘  
之由端不外是二者蓋淫火肇於有生之初伏  
而不發必俟天行煅煉一番然後洩之雖百歲  
不免焉殆亦有生之後一劫也設非淫火胎毒



安得一生只發一次劫矧人之出疹出痘正如  
蚕之蛻殼一眠二眠三眠也若謂純是胎毒不  
假天行何臨作之年郡縣村鎮沿鄉接境莫不  
皆然即卵生如雞鴨胎生若猪犬且皆不免又  
驟可見至於生者死者實由所感天行之輕重  
非干所稟之厚薄也觀今之童稚躄盛神壯宜  
其稟氣之厚亦多死者形羸色瘁豈非所稟之  
薄且多生者迹此驗之死生輕重乃臨時所感  
天行之輕重也為父母者慎加保惜以膺天和

不可純委於命而尤天也特筆此以告

萬菊軒曰昔人謂在胞中饑則食母之血渴則飲  
母之血余獨謂其不然蓋兒始受氣之時一月  
胚二月胎不過一點精血凝結中涵生意也至  
三月以後其形漸成在胞之中譬諸禽鳥之雛  
在卵殼中渾渾然薰蒸滋養惟所受太和之氣  
漸自生長日月既足乃破其胎卵而出矣何以  
能飲食耶必謂有所飲食則胚胎之初形象未  
具何飲何食耶且血者渣滓之物有入必有出

小兒金鑑  
卷上



十月之前所飲所食之血又從何道出耶若生下口含惡血乃母臨蓐之時血穢流溢入兒口中未必便是先在腹中所食之血也但云兒在胞中滋養形骸長育變化培植根蒂者則在母之血液也

或有問曰兒在胞中饑則食母之血渴則飲母之血萬菊軒以為必無此事驗今之初產之孩口有穢血少頃就有黑糞後便而下是其徵也安可遽謂必無之耶孫季子朋來對曰以物理格

之似無此事也兒之胞胎在腹猶瓜菓然瓜菓賴藤樹滋灌汁從蒂入日漸肥大成熟兒在胞胎混沌沌懵然無知焉有饑餓蓋藉母之漚後胞蒂而灌入脐中十月充足胞分而出口中之穢間或有之實分娩時胞中之餘穢惡露也大便黑糞如瓜菓中之汁水耳此必有之物殆平時灌滲積於其中出懷之後各自立極陽升陰降陽升者啼聲上出也陰降者大便下行也此必然之勢亦必然之理也出懷之後始有出



有入在腹胞中安有出入之徑實者辨格物者  
自能辯之母致疑也

○痘不宜毒物醱發

生生子曰痘本火毒尤因天行故發熱之初看其  
熱盛便知毒重即宜解散使表裏疎通俾熱毒  
有門路出也全在頭着工夫胡大卿曰小熱宜  
解毒大熱宜利小便觀此可見前人慎重之意  
不輕易用大寒大毒之劑動其大便恐傷沖和  
壞脾胃也緣痘全藉脾胃尤賴沖和始能灌漿

結廔所謂沖和者即胃中坤元之氣入賴之以  
養臟府而灌溉周身者也近觀西吳治痘罔用  
頭着工夫動輒便以鰕魚桑虫雞冠血虺蛇等  
毒物謂之醱痘習俗為常不思痘本火毒一固  
宜發但當先門路未清小毒蘊成大毒茲又以  
毒攻毒不啻火熾添油則脾胃沖和若燎毛矣  
故毒發之後痘粒粗大膿何得滿或潰而爛或  
歲而嘔或發癰毒或成外剝或致泄瀉種種之  
禍變難悉舉豈知門路疎通則痘縱不起發不



過補助氣血而或以大成散佐之自能行漿灌  
膿蓋痘粒小則漿易滿亦無變疔是曲突徙薪  
之法也舍此不為而徼彼焦頭爛額之功殆亦  
危矣戒之戒之

○戒用天靈蓋

生生子曰醫本仁術夫仁者無天無小無貴無賤  
無見無隱無處不然故啟蟄不殺方長不折皆  
所以體天地而愛物存仁也醫之治痘逆者不  
治險者宜治前人方法林林種種何莫非藥何

物非劑何適非宜故乃取人之骸骨而煅煉之  
嗟嗟其忍心亦劇矣乎不思痘之無膿者由氣  
虛而血不充也補氣以氣補血以味合取其氣  
味之純厚者以補之則得矣如入乳紫河車鹿  
角膠之類皆氣純味厚者庶可以補氣血而資  
精神彼遺父死骸迨氣血竭絕枯朽之物猶稿  
木死灰已且不能延生而又能資他人乎此必  
無之理也且痘古稱天花貴清潔而厭腥臭其  
不可用一也膿少由於血虛喜潤而惡燥茲犯



煅煉枯燥其不可用二也况律有禁條以無可  
取効之物而戕人之遺軀犯律之禁傷天之和  
噫操殺術也焉得仁

或曰有用之而痘立發者何謂也生生子對曰  
余非謂此物不能發特慨其發之後燥毒交扇  
烈若燎原正如灯卮油盡而又益之以灯心立  
見焦枯良可悼夫

○腎無痘辯

生生子曰諸書皆言四臟俱有痘獨腎無痘故發

熱之初單顯四臟之症驗耳之冷則知腎無痘  
也余謂此皆臆度之言非見道之語也緣痘稟  
於有生之初父母之淫火伏于子之命門為天  
行癘氣感觸而發觀銅人圖命門穴在兩腎俞  
之中與臍相對秦越人謂兩腎中間動氣者五  
臟六府之本十二經脉之根呼吸之門三焦之  
原臟府從此而生故人之所以得死者賴此  
動氣以為生生不息之根有是動則生無是動  
則呼吸絕而物化矣夫以耳之冷熱驗痘出之



輕重則可若以耳之冷而透謂腎之無痘則不可腎既曰無痘何前人又有變黑歸腎之說由其有強斯有歸也詳古人用四牙散一方亦可見矣蓋牙者骨之餘腎之標是亦以腎補腎之意惟腎之元氣充足則其痘始能盡出且又能制伏其火而使其氣血相依故化膿結痂而愈也腎虛則不能化膿而使之盡出結痂則色變黑馴至焦枯而告殂矣故曰歸腎者猶言痘体出於腎而仍還於腎也是為辯

○首尾不可汗下辯

萬菊軒曰今之治痘者悉云首尾不可汗下听者之和之曰痘宜溫補汗下不可也此亦喜補惡攻之遺弊殊不知治痘之法莫要於解毒或攻或補務使毒氣得解而已如其氣血和暢營衛流通表裏無邪其出則盡其發則透其收則時非但不可汗下雖溫補亦不可用也設使外感風寒約束皮膚腠理痘出不快此當汗之令陰陽和營衛通而痘易出毒得解散可也苟不汗之



則毒無從得出留伏于內未免閉門留寇之禍矣如太熱不退煩渴轉增譫妄昏沉便溺阻塞此毒留于腸胃之間與穀氣併宜急下之使臟腑疎通陳莖滌去可也苟不下之則藏毒蓄毒煎熬于中寧無養虎遺患之悔乎故大要曰謹守病機各司其屬有者求之無者求之必先五勝疎其血氣令其條達而致和平此之謂也

○審証

孫季子朋來曰治痘先須審証痘固胎毒必假天

行令氣或內傷飲食激而發也發熱之初預當明其輕重蓋熱輕毒輕熱重毒重也設熱既重便宜察其表裏外感內傷內傷為裏夫痘全藉脾土以為依歸脾為倉廩五臟皆仰給於脾外主肌肉行漿灌膿結痂皆在肌肉脾既受傷則內熱蘊悶或腹疼嘔惡急宜消之重者下之使裏無壅遏則熱自退神自清也內傷不急治六七日後痘既外出腹中虛矣內傷之物因而瀉痢則不能灌膿而成內陷外感風邪即宜清解



若頭項痛腰脊強便知為太陽經表症若鼻乾  
不得眠口渴便知為陽明經太陽以防風羌活  
寒月麻黃桂枝陽明升麻葛根之類古人云必  
使一晝一夜汗出熱退為佳蓋腠理疎通則痘  
易出易壯遲則熱燒地盤腠理緻密熱無從出  
出必稠密或蘊成癰由解散不清繼然發出日  
後灌漿必咳嗽聲啞喉外刺可不謹之於始  
哉觀乎古人呼為痘瘡以其形圓而肖痘也豈  
喜土鬆滋潤則易出易成熟初出最嫌土燥成

熱尤怕濕淫燥則難出濕則潰爛故治痘亦如  
之若熱盛毒重神昏足冷者即於前解散內消  
之中大加解毒故曰六日以前解毒為主六日  
以後補托為主過六日則大事已定救無及矣  
是以貴在審証勿失時也 右審症

○總驗部位

內經曰諸瘡皆屬心火心之華在面痘瘡之候但  
以面之部位占之思過半矣痘本火毒火性上  
炎諸陽皆上聚於面吉凶善惡尤易見也額屬



心火如印堂以上髮際以下橫兩日月角部位  
先見紅點先作瘰先結痂者此惡候也蓋心為  
君主毒發於心故先見於其位君危則十二官  
皆危死殆速矣左臉屬肝木右臉屬肺金如兩  
臉先見紅點磊落者吉如相聚作塊其肉腫硬  
者死蓋肝藏魂肺藏魄生意既絕魂魄相離故  
不治也頰屬腎承漿橫抵兩頰先見紅點先發  
先痂者吉此位雖屬腎然三陰三陽之脉皆聚  
於此陰陽和故無虞也鼻雖為肺竅而準頭則

屬脾土若準頭先出先痂者凶蓋四臟皆稟受  
於脾毒發於脾則四臟皆失所資殆土敗則四  
臟皆相隨而敗故延綿日久而後斃也腎之竅  
在耳又心之用亦在耳心者少陰君火也而少  
陽相火之脉行乎耳之前後凡在耳輪前後先  
見紅點者凶蓋君相二火互發燔灼之勢難以  
撲滅惟口唇四圍先起先痂者大吉緣陽  
明之脉依口環唇胃與大腸主之無物不受殆  
猶海也乃多血多氣之經故曰大吉也



○驗面

發熱之時面色明瑩者吉赤者塗胭脂者凶此邪氣拂鬱於陽明胃與大腸也陽明經上循於面熱盛故赤也宜清涼解毒稍通利之面垢慘黯者凶面垢者少陽候見也和熱拂於少陽甚則面微雍宜表裏雙解蓋少陽從中治也

○驗耳

腎通竅於耳故耳以候腎也腎臟屬北方天一所生之水受氣之初先生而腎如葦子离坭兩邊

分開之辨也痘疹發熱耳獨涼者瘡疹屬火外邪不干於腎故也如耳熱是邪干於腎毒不發越則反有歸腎之變凡觀痘疹先看耳後有紅縷者蓋少陽三焦之脉從臆中上出缺盆繫耳後直上出耳角紅者火色也此瘡疹之火發從少陽故色先見於其經也凡痘自耳先出未及成聚耳輪先靨者此漸前歸腎之勢多凶

○驗目

目者心之使也神所寓焉發熱之初觀其兩目神



小兒金錄 卷之四  
目倦不欲開者痘也。目中汪汪若水者疹也。諸瘡皆發於心。故候見于目也。目赤者熱甚也。心惡熱急解之。經云肝開竅于目。瘡疹發熱目連劄者肝有風也。風入于目上下左右如風吹不轉不重兒不能任。故目連劄也。目直視者肝有熱也。熱入于目牽其筋脈兩眦俱緊不能轉眴故目直也。得心熱則搐者風火相搏也。痘疹發搐此其常候。但瀉心肝二經之火搐止則吉。不止則凶。五臟精華皆上注于目。痘瘡之毒發于五

臟毒之甚者目必受之。故前人註有護眼之法。良有深意。凡兩眼常出淚者肝熱也。以時眼中無痘宜服瀉肝火之藥。蓋眼中之毒常在收靨不齊之後。方有如痘入目成膚翳者。切不可用點藥。恐損睛破腫成廢人矣。痘瘡收後目不開者肝熱則目溢不敢開明。暗皆然。心熱見明則合見暗。則開謂之羞明。此有餘熱在心肝也。如瘡未成膿腫消目開者瘡已過期收靨不齊目閉不開者瘡壞欲變。目上竄者心絕也。直視不



轉者腎絕也。非泣而淚自出者，肝絕也。微瞑者，氣脫也。血貫瞳子者，火勝水竭，皆死候也。

○驗鼻

鼻為肺之竅，痘疹發熱之初，噴嚏者，火邪上干於肺，外應於鼻而痒，則嚏。鼻乾黑燥者，火刑於金，金本燥得火，反甚急，宜清金濕火以解其毒。鼻衄者，血得熱而妄行，故衄出於鼻，急以涼血濕火以解其毒。鼻流清涕者，疹也。疹發於心，心肺相連，以火煉金，熱極而反化為水也。痘出之

後鼻塞不通者，熱也。痘已成漿，收靨之時，鼻塞不得息者，此鼻內有瘡膿涕粘結，可用金銀小簪子以通之。如痘未成漿，鼻端先乾者，凶。內經曰：臟真高於肺以行營衛陰陽也。邪火刑肺，肺敗不能輸精於皮毛，故皮毛焦枯。先見於鼻，營衛不行，陰陽不續，以漸遍身皆乾枯而死矣。凡瘡變壞，鼻中血出者，鼻孔開張，喘急者，肺絕之候，皆死証也。

○驗唇口

口其華於唇，唇其華於口。唇口



脾之竅開於口其華在唇四白發熱之初口中和唇色紅潤者吉如口燥唇裂其毒必甚急解之痘出稠密唇口痘子相粘諸痘未發此處先已戴漿諸痘未收此處先已焦黑者凶面痘腫灌唇上痘裂成塊乾澀者重如痘出太密口中氣臭者臟府敗壞故臭出於口也痘欲壞唇上縮者脾絕也唇下自呷者魚口也口中涎如膠粘者脾津竭也皆不可治

○驗手足

四肢者諸陽之本痘出欲疎其發欲透其屬欲齊如應出不出應發不發應收不收此脾胃氣虛不能旁達四肢也發熱手尋衣領亂捻物者肝熱也手搯眉自鼻口者肺熱也手足搐搦者心肝風火相搏也各隨其臟而瀉之足涼者此常候也足冷手亦冷者脾臟虛也四肢皆稟氣於胃而不得至經必因於脾乃能至也脾虛不能為胃行其津液故冷耳宜溫之痘已出手足多水泡者此肝勝脾衰為鬼賊宜急治之不久便



生痒癩也如遍身皆發手足不透是空殼者此脾胃虛弱津液耗竭營衛凝澁故其毒亦鬱而不發也不能食者死能食者必發癩疽痘勢太甚手足冷者不治痘未成漿手足皮脫者必死痘已正靨惟足不收者足為純陰無陽相濟所以收遲如痘始成漿他處未收手足心先靨者其後必生恠疾也痘靨之後手足關節腫痛者必發瀉也痘痒手足搔亂者凶

○夾班

班者血之餘有色點而無頭粒隨出隨沒者也丹則成片赤如雲頭而突皆血太過而氣不及營衛失護致血任三焦浮遊之火散漫於皮膚之間耳宜以輕劑散其火和兼活血解毒之藥治之並用玄參升麻湯加石膏黃芩荆芥芍藥芩歸或升麻湯加紫草蟬退多磨犀角汁化下烏金丸又或結痂之後而發者餘熱煎熬肉分其斑必爛宜解毒湯加歸芍黃芩石膏甚則太連翹飲爛處以生肌散敷之無不瘳矣至若青黑



紫斑乃毒氣不能發泄之故死生一反掌間耳  
急與四順清涼飲利之其斑既退即以四君子  
湯加黃耆姜朮煎服如不止再加肉果須要預  
煎候之俟斑退血附即服庶可免其內陷也本  
抵斑在發熱放標起脹時多用表散在灌膿收  
靨時多用解利遍身通紅者治同

發斑有二陽毒發斑者壯熱渴躁兩目如火脉洪  
有力其色紅赤者胃熱也紫黑者胃爛也一則  
下之早故熱乘虛入胃一則下之晚故胃熱不

得泄皆內外挾熱而發斑也當服玄參升麻白  
虎等湯陰疔發斑者身無大熱手足指甲俱青  
脉沉細而急其色微紅或暗晦以無根失守之  
火聚于胃薰于肺傳于皮膚而為斑也若妄投  
以涼劑則誤矣當與升麻鱉甲湯調中溫胃而  
斑自退

○夾疹 疹即麻也

痘毒出於陰疹毒出於陽陰主血故痘有形而灌  
膿結痂陽主氣故疹有色而不膿痂以皆有生



初之淫火伏於命門之間本非尋常並發者惟  
痘出之時或天行所激觸動其毒故並出耳以  
亦不順之症也故急宜清散先服升麻葛根湯  
如不解則犀角地黄湯內既清涼則疹亦隨之  
而解矣

錢氏云痘疹只出一樣者善凡痘已見形其間碎  
密若落子者以夾疹也由火毒薰灼於中故使  
疹挾出於外也急宜解毒使疹消散痘得單成  
可也宜荆防解毒湯主之若服後而疹不退者

凶之兆也夾班治同

膚疹者熱毒之氣發越而然也暴出之時點如麻  
狀但色鮮赤成片耳用敗毒散毒當隨散越數  
日而痘出痘反稀疎

劉宗厚云癰疹多屬脾隱然在皮膚間而名之  
也發則多痒或麻木不仁者是兼痰兼濕之殊  
也色紅者兼火化也用解毒防風湯若內傷外  
感而發者用調中湯

○夾沙 亦麻類粒頭瑣碎吳地呼為沙子  
其狀如夏月膚膜之拂子



沙之形如粟一般尖員而硬中含清水夾痘而出者亦熱毒之所發也用四苓散加防風黃芩分利陰陽而痧自退矣

○夾疥瘡

痘夾疥瘡而出則血氣為瘡所奪痘多不能起發成漿須連服內托散庶無半陷之患也

○乾枯黑陷紫陷

朋來曰凡黑如烏羽者生以血解毒可愈也黑如焦煤而血尚活治以涼者死無生氣也故不治

痘色初見深紅者必變紫紫必變黑紫黑必至於

乾枯皆血熱乾滯而氣不能運行一定之理固如此也治須以涼血清熱為主看其微甚或利大便或利小便或為解散頂雖平陷不可以氣虛而例用參芪補劑蓋補氣則熱愈甚而血愈涸也宜以絲瓜化毒湯加當歸紅花連翹牛蒡更以麻黃解毒湯發散其毒或以紫草湯化下小靈丹或灯心湯化下大靈丹有黑疔者針挑破去其毒血兼用扶脾實土之藥古方有用燒人屎者有用四聖散者有用人牙散獨聖散者有



用雞冠血酒漿灌之者有用胡荽酒塗其遍身并衣服薰之者有用壁間蟻蛛如荳大者研爛入雄黃每歲一厘同研勻酒調服者有用黃連犀角清心火者已上皆可擇用如宣風散百祥丸牛李膏內有大戟等牽牛峻利之藥元氣盛尚可虧損况痘後之兒尤當慎之

黑陷二種因氣虛而毒不能盡出者酒炒黃耆紫草人參黑陷甚者亦用燒人屎

○白陷灰陷明來曰察其乳食少進二便清利者為寒法從溫補

痘色白者必變為灰慘灰慘者必變為平伏倒塌此雖氣虛而血不華色血亦虛也故當氣血兼補使血活氣行則白色可變為紅庶或可救若單用補氣之藥則氣燥血虛必致發痒抓破灰慘平伏倒塌為不治之症矣治宜補中益氣湯合四物湯有內熱者加解毒藥白陷抓破皮薄乾燥而極痒者皆由失於補血以致氣虛則燥然也

○內潰

小兒金錄



心鑑曰內潰者胃爛也蓋因風寒所中腠理固密陰陽二分壅塞不通其毒內攻而臟腑之間毒火炮熾則潰而成膿口舌皆白是其驗也識者於痘未出之時或有風寒阻隔氣粗熱甚身必戰動肚腹急痛謹防此患以敗毒散或升麻葛根湯逐散寒邪開泄腠理縱毒外出必無是症

○痒塌

痘瘡痒塌今人總歸之氣血虛寒殊不知亦有氣盛血熱而然者須從形色及他証辨之如痘色

淡白精神虛怯小便利大便頻至夜痒甚者此脾氣弱而氣血均虛也參芪內托散及四君子湯加黃芪肉東官桂白芷蟬退主之甚則陳氏木香散佐之如瘡色紅紫煩躁大小使不利渴飲湯水甚至抓破血流者此氣虛血熱毒盛血行氣分血味醎醎熬皮肉而痒也四物湯加參耆連翹蟬退白芷甘草及三味消毒飲加紫草連翹主之血流者敗草散蕎麥麵炒黃土揅之又遍身痒甚抓破者不問前後皆服蟬



花散外以乳香或敗荷葉茵陳燒烟薰之。若穢氣衝觸作痒抓破者宜服內托散外以辟穢散薰之。然發痒精神清爽自知其悞欲人拊摸者吉。若悶亂不寧者搖頭扭項手足舞亂言不知所禁不止者凶也。

群玉曰：痘疹發痒如能食而大便堅結者此邪氣內實正氣外虛也。加味四聖解毒湯治之外用升麻蒼朮麻黃槐柳桑皮煎熱拭之。如泄瀉者此正氣內虛邪氣外實調元托裏治之外用

中茵陳白朮二味為末燃火薰之。如用上二法而痒即止者吉。痒不止而反甚者凶也。

心書曰：痘疹作痒者火邪傳於肌膚之間不能即出或血方流行而為風寒外束故鬱滯而作痒與傷寒汗不出而作痒相同法以荆芥穗束之以紙而刺痒痘之項以散鬱邪其痒即止驗之。如神內服消風火化毒湯以解之。以上痒症痘家之惡候茲錄各家治法驗甚者以備緩急參用。



○目睛露白

人之身必元氣固則精血為之凝聚而瞻視有常也若元氣虛損則衛氣受虧是以督脉縮使致睛上吊而露白也若謂之風則謬矣遇此候別無他証者可以保元湯加陳黃米主之無魂失志不省人事者不治雖無他証而或見於七日之前則毒尚未解而氣血已離必不可治之症也

○声哑

心之氣舉擊於肺而為音肺清則音清肺熱則音哑此必氣喉有瘡熱毒閉塞肺竅而然也須分順逆為治如七日之後失音者乃內瘡先熱而先靨則咽喉漸寬毒氣漸消声音自亮為順症也若七日之前失音者此毒氣薰蒸失於調解致肺竅不通閉塞管齋毒無從洩內瘡糜爛舌齧成坑咽門腐壞劇至呼吸俱廢為不治之症矣或有內本無瘡因食辛熱之物或多服熱藥所致者急用甘桔湯射干牛蒡湯加玄參連翹



承角治之或能言声不清者以火乘於肺也瀉  
白散加天花粉桔梗石膏片苓茯苓麥冬山梔  
治之或感風寒閉塞而声不清者參蘇飲加桑  
白皮杏仁石膏主之如法治之而効者吉否則  
凶

○水噎

喉之竅若管籥然痘之初出細小不竟及肌表之  
痘成漿則內痘亦成漿而其毒壅於會厭然足  
乃飲食所進之處故飲湯水不易進納則溢入

氣喉而發噎也若穀食有渣自能咽之從食喉  
而下非如水溢以犯氣道矣七日後見者不藥  
而愈何也外痘醫而內自痊矣若七日前見則  
為逆症由熱毒壅塞不能發於肌表故耳治用  
甘桔湯合解毒湯加牛子玄參荆芥麥冬若預  
以甘桔湯清其氣道安致有此患哉

○驚搐 附癩癩

心者神之舍也痘毒本熱氣擊動心神肝不能  
制故神不安而發驚搐治宜瀉肝利小便蓋瀉



肝則風去利小便則熱除風熱既退則痘出而驚自愈矣故痘未出而見此症者則升麻湯合消毒飲主之或紫草膏或蟬酥丸不可竟投涼劑蓋心一涼則氣血隨斂毒無從出也痘既見而有此症由熱毒之未解耳四苓散合消毒飲或紫苓湯或導赤散若風火相搏喉中痰鳴目暗上視面赤引飲喜居冷處者紫苓湯或抱龍丸若痘後胃弱飲食不化謂之食蒸發推必面黃潮熱大便酸臭秘泄不調或吐利腹痛宜紫

霜丸下之大便秘者四順飲痘後毒當盡解而又發驚則心氣已絕神無所依必不可治發癩癩者粉紅丸治之

痘後手足麻木無汗者參附湯若手足難動常出汗者芪附湯李然驚仆不省人事者用皂角為末吹入鼻中即甦古謂先痘後驚者不治痘正發而有此症能不為之可悼哉

又痘未出毒氣內逼目上竄驚叫如驚風者乃痘欲出之候也若誤認為驚而治之則毒氣內蓄



抑熱不洩而反危矣

○煩躁

心經有熱則煩躁蓋瘧毒之熱擊動心火脾少津液不能濟之以所以發為煩躁不寧悶亂狂言等症也治當觀其虛實何如痰實壯熱者施子仁湯或解毒湯或辰砂益元散二便秘則通利之虛煩而渴者保元湯加麥冬五味或麥門冬湯夏月暑甚煩渴而痘出不快宜辰砂五苓散歷後發熱煩渴麥門冬飲子此症似輕而重苟

服藥而久不愈則心脾二經皆為熱毒所傷矣煩則必渴渴則必瀉則必咬牙寒戰而瘧渴之患立至也慎之慎之

秘傳曰痘瘡以安靜為貴但有煩躁者必毒氣壅併表裏不寧宜審諦之如搔爬不停者痘瘡也不寧者裏熱也呻吟者痛也非折肱之妙手安能識其病而起其症哉

○發渴

渴者胃中熱也胃中津液為熱所耗故渴而飲水



也始終固有用白虎湯加天花粉乾葛甘草然  
有汗加人參或辰砂六一散小水不利者四苓  
散氣虛保元湯加麥冬五味至於陰虛火動而  
發渴者固為難治之症理辯則謂六味地黃丸  
加桂心五味子乃治虛渴之聖藥也不可不知  
痘疹心書曰毒氣蒸于陽明此時多發熱渴熱淫  
于內而外不得宣通故發渴也宜神功散服後  
猶渴者宜紅花子一味煎湯飲之如無子即用  
紅花湯加牛旁子服之此藥神妙能散胃口之

瘀血故也切不可用荔枝黑棗椒姜等湯以助陽  
經之熱

○暖氣

熱毒鬱於胃中欲發而不得發故暖氣治用半夏  
生姜湯加陳皮黃芩或四苓散加陳皮竹茹以  
利之

○不食

痘瘡始終以脾胃為主若飲食如常者此臟府充  
實脾胃完固不消服藥若不喜飲食者必須辯



別而治之如泄瀉瘧色灰白而不食者此脾胃  
虛而元氣弱也宜四君子湯或人參養胃湯七  
珍散治之如大便秘瘡掀腫不食者此毒盛而  
血熱也宜四物湯加解毒藥熱甚者加姜炒苓  
連便秘者下之萬氏云瘡瘡不怕稠密只要能  
食

○汗多

汗乃心之液由熱氣內蒸腠理開泄故液隨氣而  
出也自汗盜汗俱能虛人未漿之時恐不能灌

既灌恐不能屬既屬恐血脫陽虛變為他症最  
宜調理自汗宜保元湯加桂枝白芍浮小麥以  
斂之有熱加酒芩盜汗宜當歸六黃湯或當歸  
湯丹溪曰自汗不妨蓋溫熱薰蒸而然也以特  
為汗少出者言耳若汗大出身冷惡寒寧不早  
為之治乎以宜異功散救之寒不已者死汗  
綴如珠者死汗而昏沉者死汗流煩渴者  
死不可不察

○諸失血



夫血熱則妄行，蓋熱毒之氣淫佚，無歸則血亦隨之而走泄也。始終用犀角、地黃湯，加芩連、梔子、白芍，但血之妄行或吐或下，或從陽瘡、痘毒而出者，悉皆不治，何謂也？吐便者，有傷于內也。瀉膿血如死肝、莖汁者，胃爛也。從瘡毒而出者，肉分空虛而元氣為之走泄也。鼻衄者，生蓋血隨毒行，傳注腎脉，斬關而出，不犯其內，故耳。至于女人失血不止，尤當急治。嘗有一男子，口鼻出血數碗，以韭菜汁半碗頓服而愈。

○陰囊發腫

痺症陰囊腫痛，如瓠瓜者，乃膀胱熱甚，毒氣流於小腸而然也。急宜清利，退火滑石、木通、車前、牛膝、梔子、瞿麥、灯心、甘草水煎服，或紫草飲子，小便不利者，加木通外，以石燕子醋磨濃汁敷之。

○痘後浮腫

痘屬之後，失於調理，或傷飲食，或感風濕，致傷脾胃，土濕勝而為腫也。傷於食，以健脾，加山查、麥芽、平胃之類，虛者加人參，俱以淡滲之劑佐之，傷



風濕者平胃散加防風羌活汗之水腫者以五皮飲消之一方用蘿蔔子殼蒲蘆煎湯洗之立消又法柏樹葉桑樹葉煎湯洗亦消

○驗動靜

凡痘以靜為貴內有不和則動凡靜屬陰而動屬陽痘之為症陰陽俱病但息欲其勻語欲其少寐欲其安寤欲其寧觸其瘡則吟拂其欲則鳴飲食二便如時以平人之候是謂靜而吉也如呻者身有苦也自語者神不清也喘粗者內熱

也腸鳴者泄也坐卧不寧者心煩也啼叫不止者痛也搖頭者風也指欲搔者痒也嘔物難者咽痛也咬牙者心肝熱也若悶亂躁擾譫妄昏眩如見鬼狀搖頭扭項手舞足擲目睛上視寒戰咬牙語音不出皆為死候如病向靜忽然擾動者異也須細察之痘色變而無他候者戾氣觸之也痘色不變又無他症以必有因但俟自定其有目瞑息微四肢僵直口噤痘壞昏聩不省者此真氣將脫魂魄欲離之兆又不可作靜



看也

稀痘仙方

牛黃錢一蟾酥分三辰砂分七絲瓜蒂近蒂取五寸

為末每十歲服二分砂糖湯調下

兔紅丸 服此可免出痘

辰砂 甘草 六安茶 各等分臈八日午時

取生兔子血為丸梧桐子大逢三六九與兒

食之

鼠肉方

取雄鼠肥大者去皮毛腸穢用鹽醋爛煮與兒食之痘出稀少切不可使兒聞見亦不可對他言知但只可自設法取用不可用他人取討者恐防毒藥死的慎之或只用砂仁白水煮不用椒葱蒜韭并油煎等辛辣熱物若未食輩兒與食尤妙以屢試屢驗者

四脫丹

蟬退 蛇退 鳳凰退即哺出神仙退即父母

右各等分焙為末每服一錢煉蜜為丸菴豆



大每年除夜服服三年永不出痘

玄兔丹

玄參

酒洗五兩兔絲子水淘淨酒煮研爛為末

右二味俱不

犯鉄器為末黑砂糖為丸彈子大每日與兒

服三九沙糖湯下

葫芦花湯

八月採葫芦花不拘多少陰乾入除夜蒸籠湯

浴兒或不出痘縱出亦稀少

苦棟子湯

苦棟子不拘多少煎湯浴兒或瘡瘡不出出亦

稀少

三花丹

將出之時用之能稀少

梅花 桃花 梨花 取已開未開盛開者陰

乾為末等分取兔腦為丸雄黃為衣用赤小

荳菜荳黑大荳三荳湯下

六味稀痘飲

將發痘預服之

山查 紫草 牛旁子 防風 荆芥

甘草 姜三片水煎服

小兒金鑑

四卷上



輕斑散

治痘未見點時服之

絲瓜

近蒂三寸連皮 硃砂五分

二味和勻沙糖

調下痘出必稀多者少少者無

稀痘如神散

絲瓜

升麻

芍藥酒炒

甘草

山查

黑豆

赤荳

犀角磨用

各等分每服三錢水煎服不

拘時看大小加減

預服萬靈丹

初發熱一服即輕百發百中

升麻

小者三錢

葛根

三錢

甘草

三分

紫草茸

一兩

蟬退

姜蚕連翹

白附子

炒各三錢

山荳根

五錢

全蝎

雄黃一錢

射香

蟾酥

酒煮化

右十二味和拌為丸皂角子大每服一丸紫

草湯下

○發熱有數種

生生子曰凡痘疹發熱與傷寒傷風傷食驚風等相似先當辨明傷寒之熱手足稍微冷無汗惡寒面色青慘不舒左額有青紋傷風熱手足稍微溫自汗惡風面赤而光二者皆太陽症俱



頭項痛腰脊強 傷食熱目胞腫右額有青紋  
身熱而額腹最甚夜熱晝涼面色黃或吐利腹  
痛 驚風熱面色青紅額正中有青紋手心有  
汗時發驚悸 痘子之熱必顯四臟之症耳聾  
冷中指冷尻冷面燥腮赤呵欠煩悶乍涼乍熱  
多睡咳嗽噴嚏驚悸吐利 ○夫發熱者瘡疹常  
候也但熱微毒微熱甚毒甚微者勿藥甚者必  
宜及早清解原痘無逆險只在發熱之初調治  
之早觀其熱重神昏即以清解之劑投之或發

表或攻裏法在不避必使一晝一夜表裏通和  
熱退為佳蓋毒解則熱始退熱退痘出自然稀  
疎明朗若不早為疎通表裏則毒無出路雖小  
毒穰成大毒迨及出齊則順逆險已定順者幸  
而無虞逆者無所措手矣古無順逆險之名稱  
順逆險者自魏桂岩始也

○初發熱三朝証治活法

凡發熱疑似之間宜投入參敗毒散一劑發之是  
與不是一發使見萬菊軒曰大抵瘡疹只宜發



盡勿使留伏于中

凡用發表之劑務察天時不可固執只宜平和之說極為誤事設遇冬寒及春行冬令之候腠理緻密血氣凝澁痘必出遲遲則蘊熱熱不得泄毒莫能洩必多壅遏之變急宜辛熱之劑發之桂枝葛根湯或五積散去乾姜

如天時熱則腠理疏豁氣血淖澤防其發洩太急恐罹潰爛之變必以辛涼之劑解之宜升麻葛根湯雙解散之類如春秋天時溫和不寒

保嬰丹不熱只以人參敗毒散最佳

保嬰丹不熱甚者用之捷效或就於前解散藥化下一丸能令重者輕輕者少以其極能解毒也

初發熱時飲食二便如常精神清爽痘必稀少不須藥

初發熱時渾身壯熱焮焮然不渴清便自調此邪鬱在肌膚之間宜輕揚之劑發之升麻葛根湯甚者羌活湯

初發熱時其熱烙手目赤鼻乾唇燥小便赤大便



秘煩悶不安以表裏俱熱毒氣壅遏宜發表通裏雙解散主之

初發熱時表不甚熱煩躁不安口渴小便赤澀熱在裏用紫草膏保嬰丹辰砂六一散犀角山豆根之類清解之甚者三黃丸微利之

初發熱時腹中痛者以痘毒與穀氣相併急以麦芽山查紫蘊枳實砂仁陳皮溫而消之若腹脹硬痛大便秘者備急丸下之

初發熱時咳嗽鼻流清涕參蘊飲主之

初發熱大便秘結急宜潤之恐熱毒內蓄宜紫草飲必使大便通利為好

初發熱嘔吐者要明外感內傷外感者二陳加柴胡藿香生姜枳壳和而解之內傷者二陳加藿香砂仁麥芽山查枳實蘊梗白芷消之胃弱而吐者六君子湯有毒氣上衝大吐不止者辰砂六一散甚者加石膏芩根湯亦佳

初發熱作瀉腹中不痛原無內傷者以痘內動與外邪搏激所致不必治瀉但以輕揚之劑升發



之痘出而瀉自止

初發熱自汗自吐自瀉者乃毒從上中下而出皆為吉兆但只在三日內裏不可多日恐元氣虛脫也

瀉有冷熱熱瀉者口渴小水少而身大熱四苓散加木通若乾嘔加姜炒黃連或六一散冷瀉口不渴小水清重者理中湯輕者參苓白朮散又瀉者豆蔻丸

初發熱二三日間有驚搐者導赤散羌活湯辰砂

散○大便秘者三黃丸微利之小便赤澀者

導赤散渴甚者葛根解毒湯腹中痛者桂

枝大黃湯腰痛者人參敗毒散自利者黃

芩湯吐利者黃芩加半夏湯如脾胃素弱

自利清白者理中湯九或四君子湯豆蔻丸合

而服之

凡發熱及初見標時須問咽喉疼否但有微疼急清解之甘桔湯加牛蒡子大抵痘要解咽喉為急務不早防以致失聲乾嘔水穀不入搶喉



噴吐治無及矣

管氏曰發熱之初痘之吉凶皆兆於此故急宜表汗使臟腑胎毒及感不正之氣盡從汗散則痘出自然稀少蓋熱甚毒甚熱微毒微不必治妄汗則表氣一虛痘不能起發反為害也盛者汗之要在身熱盡退為佳其有一切雜症皆由毒氣欲出不能故耳一表散則毒氣盡洩諸症自退矣或有當解者解之當下者下之切不可執一也胡氏曰表熱壅盛非微汗則表不解重熱

壅盛非微利則裏不解正此之謂耳失此不治則毒氣漸盛而逆症隨見世人多忽於此及見逆症而後治之將何及哉

大抵治痘之訣妙在三法曰發表曰和中曰解毒知此三者於發熱見標之際預為之地則多可少重可輕自無以後變症故發表最先蓋痘疹只要發得毒盡不使留伏于內凡發表必兼解毒非發表之外另行解毒也痘既已出不渴不熱表裏無邪不須服藥如痘多毒盛裏實能食



者可單用解毒如裏氣不和或吐或利於和中  
法內畧兼解毒若毒輕痘少惟裏不和胃氣虛  
者只用和中則不必解毒也每發表須辛甘清  
陽之劑羌活防風升麻白芷桂枝之類和中須  
甘溫之品如人參當歸甘草芍藥之俦蓋中不  
足甘以補之解毒須苦寒之輩如牛旁連翹葛  
根芩連梔柏紫草之類蓋毒者火也凡用苦寒  
之劑必要酒炒可以活血達表且不犯胃氣切  
宜識之

○痘宜依期施治治貴通變

翁仲仁曰夫痘由中以達外用藥因期而變通以  
其尚未見標必發熱三日然後見標出齊三日  
而後起脹蒸發三日而後灌膿漿滿三日而後  
收靨發熱之初耳尻中指俱冷耳後起紅絲呵  
欠噴嚏眼目困倦兩顴之間有花紋見者預知  
其為痘也發熱三日當托裏解表使其易出亦  
有氣弱而不能出者當微補其氣氣和則出快  
初不可用芪恐腠理密而難出也四五六日以



清涼解毒為主清涼則無血熱燥毒之患解毒則無壅滯黑陷之害七八九日以貫膿為主治法當溫補氣血氣血流行而成漿自易也十與十一二日以收斂為主大和氣血補脾利水則自然結靨此特語其常也蓋常者可必而變者不可必當隨候參詳安可執藥以應無窮之變哉言見紅點之時如荳輕少不可過表在後恐成班爛或乾紅紫色急宜疎利不然在後必成黑陷四五日之內痘出至足心為齊苟未盡出

於解毒之中宜兼發散若專於寒涼則痘遲滯不出七八日之間毒未盡解於溫補之中又兼解毒若偏於燥劑則毒盛不能化漿也十一十二日之間漿未滿足必大補氣血畧兼解餘毒不然恐有癰毒溫疤之患以變通之妙要在隨時制宜也

人參敗毒散

- 羌活 獨活 前胡 柴胡 川芎 枳殼
- 桔梗 白茯苓 人參 甘草 生薑

各等分

減半



三片水煎服 一方加薄荷少許

參蘓飲

人參分三紫蘓葉 桔梗 乾葛 前胡各四分

陳皮 茯苓各五分枳壳分三半夏分二木香一分

生姜三片水煎服

升麻葛根湯

葛根 升麻 白芍藥 甘草各等分 水煎服

准解散 即防風通聖散益元散二方也

防風 川芎 當歸 白芍藥 薄荷葉

大黃 連翹各五分 石膏 桔梗 黃芩各八分

白朮 桂枝 荆芥穗各二分 滑石二錢半 甘草一錢

生姜三片水煎服

桂枝葛根湯

葛根 桂枝 赤芍藥 升麻 防風 甘草

各一錢 生姜三片淡豉一錢水煎服

保嬰丹

紫草茸酒洗 鐵纏莖燒存性 荆芥穗 防

風 升麻 大力子炒各二兩 天竺黃一錢二分如

無真者以雄



黄一錢二分代之 牛黄一分 辰砂用麻黃荔枝壳蟾酥  
自取真正者 赤小荳 菘荳 黑荳各四十粒炒香 甘  
 草梢去皮 加紫草三兩 水熬成膏半碗 沙糖半  
 碗 前藥俱製淨末和為丸 圓眼核大 辰砂飛  
 過為衣 未出之先濃煎甘草湯 每服一九六  
 兒加一九九遇發熱之時 生姜葱白湯化下  
 厚蓋表汗乃解毒之神藥

心要羌活湯

羌活 川芎 防風 山梔子 龍胆草

當歸各等分 甘草減半 薄荷葉三片 淡竹葉五片 水煎服  
 紫草膏 治紅紫黑陷熱毒

紫草茸 白附子 麻黃去節 甘草各五錢 全蝎八枚  
炒 右為細末 用蜂蜜一兩 酒半盞 先入紫草煎  
 熬成膏 旋入各藥丸 如皂角子大 每服一丸  
 仍用紫草湯化下 如治驚搐 用金銀箔為  
 薄奇湯下

六一散

桂府滑石飛淨 大甘草去皮 每用一錢 灯心



薄奇湯下 內加制辰砂三錢名辰砂六一散  
 治狂言妄語驚搐用防風荆芥薄奇天  
 麻煎湯候冷調下 本方加鬱金名牛黃六一  
 一治痘後瘡癩癘毒及天行瘟疫冷水調下  
 多服大效

退火丹 治痘初出標大熱不退或稠密成片者  
 神效

六一散 一料加雄黃飛過 三錢 經薑藤燒存性 一  
 錢外用紫草木通蟬退地骨皮紅花大力子

羌活片苓灯心煎湯候冷調下極能解毒稀  
 痘

四苓散

白朮 赤茯苓 澤瀉 猪苓  
 右為細末每服一錢

三黃丸

黃芩錢五 黃連 大黃各二錢半 為細末雪水搗丸  
 菴荳大辰砂為衣每服五七十丸灯心湯下

備急丸

大黃

枳實

厚朴

三



木香二錢 大黃 黑丑頭末各五錢 為細末神麩

糊丸半錢 菘葶大每服五七丸山查湯下

甘桔湯

甘草二錢 桔梗一錢 水煎服

三荳湯

赤小荳 黑荳 菘荳各一升 甘草三兩 三荳用水

淘淨用水八升入甘草同煮荳熟為度逐日

空心面東任意食荳飲汁服七日水不出

代天宣化丸即韓氏五瘟丹也

甘草甲巳年 黃芩乙庚年 黃柏丙辛年 山施丁

木年 黃連戊癸年 連翹佐 山荳根佐 牛旁子佐

先視其年所屬者為君次四味為臣君藥加

一倍臣減半佐又減半共為末冬至日修合

取雪水煮升麻汁打麵糊為丸辰砂為衣竹

葉湯下

五積散

白芷 川芎各三分 桔梗一分 芍藥 茯苓

炙甘草 當歸 桂枝 半夏各二分 陳皮



枳壳 麻黄各五分 蒼朮一分 厚朴四分 右除桂枳  
白壳二味為粗末外十二味為末慢火炒令轉  
色攤冷次入二味末令勻水一盞半生姜三  
片煎一盞溫服

辰砂散

辰砂一分 絲瓜近蒂三寸連子燒灰存性為末  
蜜水調服多者可少少者全無絲瓜解痘最  
妙 紫草甘草湯調服尤佳

連翹湯

連翹 忍解諸毒散風清熱痘後一切發熱癰

毒赤腫 連翹 防風 瞿麥 荆芥穗 木

通車前子 當歸 羌胡 赤芍 滑石

蟬退 黃芩 山梔子 甘草各五分 紫草五分

水煎服

連翹升麻湯

連翹一分 升麻 葛根 桔梗 甘草各七分 木通

牛旁子一分 白芍藥五分 薄荷葉許 淡竹葉 灯心

水煎服

消毒飲 治咽喉腫痛上膈熱盛 一方加升麻



牛旁子錢二 荆芥錢一 甘草 防風各五 水煎服  
 翁仲仁十神解毒湯 專治身發壯熱腮紅臉赤  
 毛焦色枯已出未出三日已前痘點煩紅燥渴  
 欲飲睡卧不寧小便赤澁以熱盛也並皆治之  
 歸尾 生地 紅花 丹皮 赤芍 桔梗  
 木通 大腹皮 連翹 川芎 以方治血熱  
 痘疹以涼血活血為主佐以桔梗川芎有開  
 提發散之功引以大腹皮木通有疎利熱毒  
 之効臣以連翹丹皮有解毒之良用此以治

血熱痘疹則能內外分消熱毒雖盛庶幾解  
 散表裏自然和平矣古人用黃連解毒湯恐  
 驟用寒涼不惟冰伏熱毒及出不快抑且熱  
 毒為其所抑則鬱於臟府或肚痛腹脹內潰  
 而死者有之豈若以方用之為穩當若不得  
 已而用黃連芩柏亦須酒炒一以製其寒涼  
 之性二以助其上行之勢借連柏以解毒耳

加減法

身熱壯盛加葛根前胡

毒盛綿密加荆



鼠肝 渴加 天花粉 竹葉 滑石 小便血加 犀角 山梔

大便黑加 犀角 黃連 或葱 仁 吐血乾嘔加 犀角 黃連

發紅斑加 犀角 黃連 山梔 玄參 小便赤加 山梔

小便短澀加 猪苓 澤瀉 小便秘加 滑石 瞿麥

大便秘加 枳殼 前胡 嘔加 橘紅 泄瀉加 猪苓 澤瀉 防風

大便秘喘加 枳殼 前胡 煩躁加 麥門冬 天麻 枳

煩渴狂亂譫語加 知母 門冬 石膏 嘔吐加 瀉 黃連

咽喉痛加 甘草 荆芥

以上並用灯心十四根水煎服

羌活散鬱湯 專治實熱擁盛鬱遏不得達表氣

粗喘滿腹脹煩躁狂言譫語睡卧不寧大小便

秘毛豎面浮眼張若怒並有神効并為風寒外

搏出不快者同治

防風 羌活 白芷 荆芥 桔梗 地骨皮

川芎 連翹 甘草 藜蘆 大腹皮 鼠粘

子 右為粗散水一鍾燈心十四根煎六分温

服

身初發熱及見點之際毒氣壯盛外為風寒所



抑或肌肉粗厚腠理堅閉肌竅不通經絡阻塞  
使清氣不得引毒達表循竅而出則熱毒擁遏  
於內為腹脹為喘急為秘結為狂煩為驚搐為  
失血皮燥毛直面急眼脹睡卧不寧驚啼多哭  
此熱毒擁遏之症辨認不差急宜用發散開提  
之劑佐以和解透肌之法則熱毒不擁而其出  
自易矣羌活白芷防風有升提發散解毒之長  
桔梗有開提勻氣之能荆芥連翹梔子善解鬱  
熱地骨皮消擁熱於筋骨之間且能肅清臟府

紫草滑肌通竅大腹皮引熱下行使內外有所  
分清用此以治熱擁之症效大而功用極妙若  
驟用寒涼如芩連升麻之類則熱為寒氣所抑  
不得伸越逗遛經絡為疽為癰者有之冰伏硬  
閉者有之至於人參黃芪白朮茯苓溫補之劑  
誤用則其擁盛禍不旋踵他如丁香桂木香姜附  
之類以熱攻熱殺人立至尤宜戒慎故發熱之  
初至見熱之後並宜以本方處治依後法而加  
減之



加減法

初發熱壯熱腮赤面赤毛焦皮燥咳嗽

喘急加升煩渴加天花粉腹脹喘急鼻塞面赤

若怒毛直加麻便秘加當歸甚則加大嘔吐加

陳皮澤瀉禁用半夏香洞瀉加麻禁用白木

骨等劑喘嗽惡風加紫蘇失血加犀角地搖加

清發斑加黃連黃鼻衄加犀角小便赤澀加滑

山梳地驚悸加木通不思食加查傷食加神麩

支芽須紅赤色加生地紅花丹皮白芷防風

見標二三日間出不快利加大力子山查蟬

皮急肉緊身壯熱甚加葛根前胡

見標三日之內並依本方加減及三日後痘

瘡出齊血包已成而前症悉平不得復用此

方恐發散太過難於行漿另有方藥在後其

禁用藥劑並從血熱痘症法而裁治之

太乙保和湯又名紫草專治血熱痘症服十

神解毒湯後熱症悉去內外和平見點三日之

後不易長大粗肥者用之則能保和元氣活血

解毒助痘成漿易易易落也

小兒金鑑

卷之四

痘

八



桔梗 紫草 川芎 山查 木通 人參  
紅花 生地 甘草 糯米五十粒

右用燈心七根姜一片水一重煎至六分温服

便泄腹脹加 大腹皮 繁紅不潤加 當歸

出不決者加 鼠粘子 陷塌加 黃芪

痛加 白芷 不勻加 防風 水泡加 白木 嗽加 五味

門冬 渴加 麥門 痒加 白木 嗽加 子麥

七八日後漿足身復壯熱便秘煩渴腹脹喘急

前胡枳殼湯漿足禁用此方另立湯飲在後

益元透肌散 專治擁熱痘症服羌活散鬱湯後

擁症悉開氣血和平見點三四日後不肥大者

不成漿者用之則能勻氣解毒透肌達表領出

元陽助痘成漿而易結膿窠也加減以保和湯

同論漿足之後另有保嬰百補湯在後 按此

即大乙保和湯去生地紅花加蟬退鼠粘陳皮

水一鍾加燈心十四根束二枚煎六分温服

○血熱痘症禁忌



血熱痘症熱毒彌盛然毒氣無所分消只宜重用  
升提發散使毒得以達表而從外解引以滲泄  
使熱得以潤下而從內消佐以清涼消毒行血  
涼血之劑則痘雖稠密亦能消散而易出易化  
漿也所謂輕其表而涼其內十神解毒湯蓋得  
安表和中解毒三法盡善誠痘科之神方也凡  
溪曰熱者清之實者平之其此方之謂歟是故  
發熱至見點之後三日以前毒氣未盡達表內  
外彌盛血熱之症悉具辯症不差並只以本方

處治之切不得用參芪白朮茯苓補氣之藥於  
熱症未漿之前如誤而用之是謂實其實腹脹  
氣喘狂亂譫語咽喉腫痛口舌生瘡變症百出  
所謂邪得補而愈盛也嘔吐泄瀉慎不得用半  
夏丁桂乾姜木香藿香訶子肉果如誤而用之  
則是以熱助熱氣得熱而愈亢也燥症必至咽  
疼狂亂失血便秘無所不至矣至於龍骨枯礬  
澁滯之物且能使氣道阻塞是欲其出而反閉  
其門也腹脹之患生而喘急之勢至矣尤宜戒



之及至血包已成氣血定位頭頂白光勢將行  
漿又宜易方另行別議

三仁膏 治痘疹大便堅實不宜下者服此潤通

火麻仁炒去壳 松子去壳 桃仁去皮炒

右研爛加芝麻一合微炒研細入蜜水研極

爛以帛濾去殼同前三仁蜜湯調下看大小

用之

○見標三日証治活法

發熱三日後退涼見標飲食二便如常形色淡紅

踈朗林過碍手者上吉不須藥

發熱一日便出者凶乃表虛毒盛也急用羌活散

加紫草牛旁蟬退煎調紫草膏或保嬰丹若治

之早十救二三 若服後熱盛不退宜羌活散

調退火丹若無保嬰丹用纏萱藤灰加辰砂者大

報痘時煩躁不寧腰腹痛不止口氣大臭痘見紫

色者死

標色白皮薄而光根窠全無紅色或根帶一線紅



三五日即長如菜莖大以痘決不能灌漿久後  
成一包清水擦破而死不可因其好看妄與下  
藥

標出全不起頂如湯泡灯火燒者一樣十日後痒  
癩而死

標出時一片紅斑如錦紋者六日死遍身如蛇皮  
者死黑斑如痣狀肌肉成塊黑者立時死

凡見標疎少則毒輕不必妄治密則毒盛但要磊  
落大小分明不相粘連成片可用前藥進之或

托裏解毒之劑快斑湯消毒飲主之使其易發  
易靨如出太密粘連模糊其毒尤甚托裏解  
毒之劑宜多飲之以防痒癩黑陷之變更察外  
症可治則治不可治則勿治

凡痘子初出最要唇舌潤澤其毒則輕如唇焦裂  
舌燥有芒為毒火熾盛表裏鬱遏急宜解之黃  
連解毒湯加大力子標後身熱未退清地退  
火湯

凡見標先要頭面稀疎磊落頸項胸前稀少其毒



則輕如面上一片糲糊未發壅腫蒙頭纏項胸  
前布密此毒盛也慎勿治之

凡頭面未見標而手足先出他處未起而手足先  
起他處未收而手足先收者此陽火太旺宜早  
解毒抑陽扶陰之劑四物湯合黃連解毒湯主  
之如他處俱起而手足起遲他處俱收而手  
足不收者此脾胃虛弱不能行其氣血達於手  
足宜補脾胃十全大補湯桂枝芍藥湯

凡初見標之時磊落似稀疎之狀其後漸加

日多一日以毒伏於裏氣虛弱不能使之即  
出須大補而兼解毒庶可十救二三也十宣散  
加無價散

石谷程氏曰凡發熱見標密無毫縫空地稠若膏  
種者急用三九秘方救之每一歲兒用茜根芫  
荑子各三錢荔枝四枚若不起加葡萄一錢半  
好酒一鍾煎至五分候冷每用半盞掠熟水半  
盞時時慢喂之一日服盡次日再用水煎如  
前慢喂之但服此藥之後不可雜食他物以



傷胃氣小者只許食乳大者只吃粥若口渴即以藥水飲之一以止渴又能清熱解毒切忌油膩煎炒恐滯腸作瀉則誤矣或十歲二十歲藥從一歲加起依數增加作一劑服之如年多劑大不能盡煎可分作二三確煎之按前藥用酒煎者活血也後用水者清熱也熱盛必作渴代茶飲之足可解毒蓋前症不可補補則助毒又不得不補不補則不起發宜當解毒解毒又作瀉不解毒又攻內茲用三味代之既能

解毒又可溫脾活血誠為千金良劑

凡痘發熱一二日便出或一齊擁出密如蚕種紅紫無縫急宜服之此時切忌保元恐溫補助毒以其血未活而漿不能化故用此三元解之俟其色淡血活熱勢已退然後進補庶為萬全凡皮肉間壘然紅點稠密急用纏莖藤加製過辰砂末連進二三服或薄奇湯調退火丹仍以牛旁為末敷顛門上以散熱毒非惟能使痘疎又且免使侵眼又方生地黃牛旁子搗成膏



貼面頰額角能退痘毒

一已出未出之時口鼻出血以血熱錯經妄行不可妄投熱劑宜用生犀薄酒磨服如鼻血不止胎髮灰吹入鼻中即止口鼻既血又大小便下血恐胃為熱毒所傷腐壞而然不可不知一出與地皮相平無與起之意乃是紅斑急用涼血解毒羌活散加酒炒芍藥紅花紫草蟬退木通占米連進二三劑退之夾疹同以治治之遲則紅變黑黑則逆而難治

大凡用紫草必用占米以制其冷性俾不損胃無洩瀉之患惟大熱大便燥者不必占米

大凡用當歸活血須以為藥收之免辛散助熱一標出他處未見獨出數粒於山根之上為毒盛氣虛犯上或發三五粒一塊者皆不吉之兆也急宜涼血解毒以防危急若腮頤地角之間疎疎朗朗淡紅潤澤三四次出者為氣正道尊上吉症也

一出皮膚乾燥枯澁必難起壯用溪中白色石子



數枚燒紅以井水淬之使薰蒸瘡上或置被下  
薰之頃刻潤澤瘡即起發又能解穢  
一色淡不紅活者血虛也以四物湯加減服之但  
地黃大能滯血不可輕用不得已須姜汁炒過  
人乳補血甚捷加酒少許佐之且血非氣不行又  
加四物於保元之中為陽生陰長之義  
一痘正出好飲水者以乃脾胃虛弱津液枯涸故  
也如恣飲則必傷脾洩瀉及發泡難靨之患保  
元湯加麥冬五味子止之

一痘未起壯而頭面先腫者乃陰虛陽盛大下四  
物湯加入乳好酒服之以補陰與陽齊然陽易  
補陰難補宜急勿遲否則誤事  
一出即變黑者以為惡候如有起與急用托裏解  
毒之劑少用保元大加紫草紅花服之外用四  
聖散點之然早能涼血解毒必無此患亦多因  
脾胃衰弱血熱所致凡紅變白白變黃者生紅  
變紫紫變黑者死  
一痘全藉氣勻血活腠理疎通則出快而稀疎亦



無餘症倘遇寒凍及勞役瘦弱之人血凝氣滯  
出則不快蓄於皮膚之間肌肉之上進退兩難  
日久變成黑紫禍不旋踵凡有此候當按令急  
與和刺如羌活散之類以疎利之其毒氣隨瘡而出庶  
無變症保合太和之兆也 如頭面出不快以  
太陽經當用荆芥甘草羌活防風天麻湯 如  
胸腹出不快以少陽經當用升麻紫草木通紫  
蘇羌活湯 如四肢出不快當用芍藥紫蘓葛  
根甘草葱白連鬚羌活湯各加生姜連進二服

痘即出快

○賊痘

凡賊痘與好痘一般但捉先起壯皮嫩嬌軟內係  
淡膿當用保元湯加占米煎服亦能回漿  
一出其色嫩赤抹過皮軟不碍指以係賊痘過三  
日變成水泡甚至紫泡黑泡者危症也若未成  
紫黑宜少進保元大加紫草蟬退紅花鮮之或  
灯草木通湯調六一散利去心經蘊熱而紅紫  
自退如已成水泡白泡或灰白色則保元中大



下四卷利之，以千金妙法也。不然則遍身抓破，黑爛而死。

起壯三日詎治活法

凡四日來起壯活動，一線紅暈而有根，窠此為上吉。蓋有根窠方見氣勻血活，血活則毒化成漿，收功結痂全藉此也。若無根窠，必是氣凝血滯，按法速治。

凡起壯肥滿乳食如常，不必服藥。

一四日來起壯肥大，中有一小孔自頂直下至

脚不黑不白與痘色相並，以名蚌痘。由表虛腠疎而然，若不早治，大洩元氣，不能起發。灌膿急用保元湯，大加占米、川芎、肉桂，提起內膿，以實其孔。度為佳兆。三二劑後，孔自塞滿，若孔色黑乃亦也，以疔法治之。

一頂陷色白皮薄光洞者，氣虛也。火照內外大明者，是。大進

保元，倍加酒炒黃芪、肉桂、川芎、丁香、人乳、酒漿

和服。

一根窠淡枯澁，不澤血虛也。宜保元加酒炒紅花

六



川芎當歸芍藥加山查以消參芪之滯再加木香一二分調氣氣調而血自活矣

四五日痘色不宜紅紫乃熱毒不化若血熱仍當涼血解毒兼氣虛者保元加紫草木通紅花生地之類解之

一地紅血散乃血不附氣保元加當歸大加白芍藥以收斂之蓋芍藥味酸用之為君使血得以附氣且又能活血化聚此最上一乘之法切記切記

一洩瀉按寒熱急治至安再不宜瀉

若起壯遲緩根脚不紅活者以無價散一歲看木

小用之好酒調服或保元加人乳好酒丁香占

米山查血虛者加當歸鹿角膠

一黑陷及痘疔外用四聖散以油胭脂調點之內

以涼血解毒如紫草紅花木通茜根少加保元

進之其疔自退疔退看其虛實仍以保元補之

一煩躁者內必有熱可用木通以引其火下行或

以六一散灯心湯調俟冷服之 謔語者加三



制辰砂夏月井泉水服

如飲食不進看痘色何如未可輕投藥劑蓋其間  
有毒氣未盡者且山查紅花子紫草等藥清而  
解之如脾胃虛弱痘色淡白宜保元加山查  
扁豆神麩嘔吐加藿香

一倒痘頭面上未出從足底出起逆而上之縱起  
壯灌膿回至心窩下則毒攻入內大叫一聲昏  
迷而死雖踈快亦不免死乃逆症也候其出齊  
至頭面遂早丟去去下身不治只將保元大加川

芎以升提之漸使其自上而下起壯灌膿自  
上而下收斂結痂如常痘一般此鮮有知其妙  
者宜謹誌之此逆痘若治之早以黃連解毒  
湯一帖以護其心可十全三五遲則百無二三  
矣

翁仲仁曰三日四日痘當出齊點至足心勢方安  
定猶有陸續不出之狀或隱於皮膚之內不  
見不起者古名不快若非風寒鬱遏之因必有  
氣虛不振之過是以四日已前痘毒方出身表



宜涼四日已後毒出已定身宜溫涼則氣血和  
平痘色必然潤澤溫則腠理開通其毒易以成  
漿故至此而身不微熱雖未必至於冰伏而痘  
瘡斷乎不長四五日來血包已成候當肥大而  
粗頂宜發光而白故根紅而頂白者已具行漿  
之勢若還赤色過頭雖見嬌紅可愛延綿六日  
依然到頭空殼虛花皮薄而光亮如灯內含是  
水頂尖而根脚不紅行漿勿實是以毒熱盛而  
未解則為紫為黑壅而不起則為陷為癰滯而

不榮則為乾為枯為青為灰怯而不振則為不  
快為停漿或有肉先腫脹而痘反不起者漿則  
滯而不行面已虛浮而痘反退伏者毒則遏而  
不進故身不熱而痘不起已成冰硬之形赤色  
若還不變溫之可與氣血弱而不振遂成不快  
之狀紅潤依然如舊補之可生紫色乾枯切忌  
溫中帶補只宜活血鬆肌為壅為滯烈藥雖熱  
可發透肌尤是良方澹洩惟於溫補瀉甚佐以  
升提



凡起壯時痘之根脚全然不起其頭面皮肉紅腫如瓜之狀者死。起壯時腰腹或疼或止遍身紫點如蚊蚤咬全不起發者死。起壯時痘伏陷不起腹中膨脹不能飲食氣促神昏者死。畧能飲食用消膠藥治之。起壯時遍身黑陷悶亂不寧神昏氣潰者死。起壯時根窠紫色乾燥不活全然不起發者死。頂陷不起須看年壽上痘起則不必憂如年壽上不起急與升天散一二服。

痘半起忽然平陷而色白者急與內托散或補中

益氣湯

痘色紅鮮反乾燥而不克肥者以火盛而血不足也宜退火涼血輕清之劑四物快斑湯主之。痘克肥而帶濕者以脾中有濕而氣不足也宜瀉濕補氣兼風藥治之。蓋風能勝濕也。四君快斑湯主之。一痘不起發不拘五陷用獨聖散或胡荽酒。若黑陷腹脹用猪尾膏。



一痘乾尅不起者外用冰楊湯洗之內服補中益氣湯

一起脹時手足見而復隱起而後塌者死此根本

已摧枝葉先萎之象也

凡假壯之痘其中有數粒起壯者是也至十二三日決不能回

漿結靨內攻而死矣 白痘者可急進保元加

川芎丁香生占米提氣灌膿而愈與內托法也

內托散即保元加川芎便是不必千金內托散正壯之時痘雖起發而

皮膚不碍手按之水漿就出內色不暗是也

灌膿三朝症治活法

灌膿時根窠紅潤肥滿如黃蠟色飲食二便如常者上吉不須服藥

灌膿時皮白而薄純是清水與水泡相似者三四日後遍身抵破而死

灌膿時吐利不止或二便下血乳食不化痘爛無膿者死若二便不下血猶可用止瀉及消食之藥

灌膿時二便閉目合聲唾腹中脹滿肌肉黑者死



一頂無膿為逆

火照之內外光洞手按之軟陷者無膿也火照之內暗不光洞

按之如鼓者有膿也

急用保元加歸芍肉桂木香占米煎

成入人乳好酒溫服

有一等肥白痘其色白不作膿俗名木痘以其人原有痰也用二陳四物湯合而服之一消一補仍將小麥粉作麵調與食之立時膿起紅活但不可妄投人參占米而助胃中痰火恐防口疳寒戰咬牙乃陰盛陽虛也大用保元加川芎肉桂丁香主之甚者加鹿茸

痘灌膿痛不止者氣滯也少用保元加山查木香以行滯氣如膿血已滿可大用四苓以利之而痛自止

凡灌膿三朝之內身涼痘灰白色或不進飲食寒氣逆上嘔吐或腹脹或瀉清水手足厥冷無陽症也急用二神加入保元連進數服溫而補之痒塌不止者血盛也少用保元大加何首烏牛蒡子蟬退芍藥木香紅花若將醫時微痒者不必治有氣血虛而痒者十全大補湯加何首

血盛痒塌者原是屬有餘乃奈血膿之茂不足為患若甚而不止者須用此方



烏虺甚者加鹿角膠

一發白泡如彈子大者用針挑破去水以活石末敷之仍服保元加白朮留皮茯苓以利皮膚之水如前後發紫泡是毒盛溢於皮膚之上必死

夫膿者血之化也有血方有膿無血則無膿痘至灌膿大勢已定故此時必以有膿為主有膿則生無膿則死痘至七日若頂陷不能灌膿者必由先失調治故也急者根窠血聚別無雜症速

宜大補氣血以充其頂頂滿膿足猶可回生若頂陷而色灰白以氣血俱離無能為矣

一頂陷無膿服內托藥而暫起不久又陷者膿未充足故也宜內托散倍加參芪當歸煎和入乳占米好酒服若色灰白欲成倒塌皮薄易破者用滌羊補漿湯保元湯加芎藭升麻入乳好酒

一痘色紅紫漿不滿足欲成乾枯黑陷者當歸活血散合解毒湯加升麻石膏乾葛



一 遍身灌膿忽然一日變白變紅變紫者不可不  
 察白者為虛宜內托散 變紅紫為熱宜當歸  
 活血散合解毒湯  
 一 痘起壯灌膿俱好至八日大便忽秘常欲去而  
 不能去急用歸尾枳殼芝蔴各三錢紫草生地  
 黃芩各一錢煎服即通若失治至九時忽然發  
 熱而死 翁仲仁三仁膏尤妙  
 一 頂平脚濶漿不滿足十全大補湯加木香乾姜  
 一 遍身無皮膿水流沾衣簾不能轉動者用秘傳

茶葉方或敗草散內服內托散去桂加荆芥穗  
 一 痘發瘁滿面抓去而面上瘡痕隱然點點有起  
 發之勢以猶可治急以托裏發毒止痒之藥用  
 內托散加蟬退立驗  
 一 痘抓破而出血者以陽瘡出血也宜當歸涼血  
 湯主之  
 一 灰白慘黯皮薄擦破無膿血者不治  
 一 二便不通目閉聲啞腹中脹滿肌肉黎黑者不治  
 一 瘡爛無膿吐利不止二便下血乳食不化者不

小兒金鑑 卷八 痘疹



治

一痘未起頂但脚漸潤至七八日乾枯瘡皮皺起誤認結痂收靨者多不可救急與補血解毒之劑庶可回生

一灌膿時眉心鼻準耳輪唇口及兩頰先有焦枯黑靨者以名倒陷不治

○收靨三朝証治活法

凡收靨自上而下者順自下而上者逆

痘至收靨大勢已定亦有膿不滿足似靨而非真

靨者以時極宜明辯若七日之間面目腫惟覺退痘雖似乾而痂薄如絲或有內症未除此痘極險時也失治則凶變立至急以補血涼解之劑庶或轉移

一痘至十日血盡毒解其膿漸乾如蒼蠅色或如葡萄色從口鼻兩傍或面部收起至胸腹而下然後頷上與脚背一齊結靨逐漸剝落內症全無身漸輕快飲食二便如常者吉或手足心或手指尖或陰上先收者俱吉



一人中者任督二脉交會之衝也凡痘自初出至收靨俱要在以部位先見者佳謂陰陽和暢也  
 一痘收靨自人中平分上下髮際以上陽中之陽也謂之孤陽足膝以下陰中之陰也謂之孤陰孤陽寡陰所以痘瘡之收至此二處每遲晉而後靨也不必施治  
 一鼻梁上痘先焦者任是凶逆亦不死  
 一痘當靨而流漿不巳者因表散太過則斑爛流承或飲水多則漂蕩流承俱服保元湯加防風

白芷白朮或除濕湯外以敗草散敷之  
 一當靨不靨而膿充足服回漿散或象牙散  
 一痘有靨至頭或至腰而下身數日不靨者此乃熱毒太盛不能收靨故也治當有熱則清之若小使不利者四苓散加苓連滑石木通大便秘結者當歸解毒湯利之  
 一痘當靨不靨忽然變動灰白頂陷吐瀉腹脹寒戰咬牙者急與內助丹若痒塌氣促足冷者加附子有水泡者大加白朮行去惡水而膿自

內助丹方在後卷八葉

小兒痘疹



乾矣

一血盡漿足溫潤不飲者內虛也保升加苓朮以助收斂結痂或六君子湯

一當靨不靨發熱譫語目閉口喘手足大亂小水不利者以熱毒乘於肺經無陰氣以收之然也急用清金導赤飲主之

一漿未稠濃頂未飽滿面腫忽退目閉忽開瘡脚散濶色白皮皺乾燥似靨非靨此因津液枯竭血氣虛少內証未除之故此症之極險者也急

用四君子加麥門冬牛蒡子荆芥連翹桔梗救之若誤認作結痂無事致成危殆悲哉

一膿後不能結痂反成腐爛和皮脫去者以倒靨也係中氣不足急用保元湯加當歸牛子連翹薄桂木香治之其頭面瘡已破者復加腫灌手足遍身原無瘡處又復出一層謂之補空若治之頭面不腫空處不補不旋踵而告變矣

一收靨時忽泄膿血痂皮者以亦倒靨之症乃脾強腎弱為順利盡自愈不必施治如利下水穀



不分者以腎強脾弱也急用陳氏木香散送下  
葶藶丸

一痘因冬月嚴寒被寒氣鬱遏而不能靨者以桂  
枝解毒湯治之

一痘因夏月炎暑熱氣薰蒸而不能靨者甘露解  
毒湯微利之

一遍身俱收惟頭與足不收者以陰陽不和故也  
以四物湯去地黃加牛膝升麻牛蒡紅花荆芥  
之類

一多服熱藥以致熱毒猖狂痘爛不靨者小紫胡  
湯合回漿散或天水散或猪尾膏外以黃連輕  
粉為末相油調敷或用猪胆汁研芒硝如膏塗  
之古人用猪尾膏獲効神速者蓋以熱毒蘊  
併於心經致熱毒內外灌注而不結痂用以方  
者以血歸心引龍腦以涼之而行營衛况營衛  
得香則行遇臭則止也

一收靨時有臭氣帶腥者佳全無氣息尚有餘毒  
未發也若臭氣如爛肉不可近雖似結痂未可



為真急以清熱活血緩則無濟

一瘡欲收而唇口乾紫連結查滓頰紅者將成肺癰也宜解毒湯麥冬知母百合甚則大連翹飲一凡痘係危症氣血本虛多服補劑而漸有膿色將收靨雖有熱者只可於補劑中加涼藥可也若謂將靨而去補劑竟與涼藥更加下利藥欲令速靨是速其斃也蓋虛者復虛毒反內攻而死此必然之理又已然之驗也

通症不治

痘當靨遍身未見青膿黃色之漿而

口唇上下痘先黃熟者毒氣內攻於脾也不治一痘收靨時不要飲食口唇常如食物而動不止者不治

○落痂症及靨後餘症

痘瘡收後痂厚落遲離肉不粘者吉

一痂落疤帶紅色而不凹凸更無他症飲食二便如常者吉

一自食痘痂者雖有他症不死

一痘已結痂而不焦落者餘熱為害也大連翹飲



去紫草加地骨皮

一瘡痂至半月或一月不落或發痒者以因表發大過致肌肉不密無力收斂故也宜人参固肌湯

一痂不落反見昏迷沉睡不省人事者以脾胃太虛也宜人参清神湯

一痂雖乾好但半邊掀起半邊粘着不能脫落者以過用辛熱之藥熱留肌表也宜升麻葛根湯加防風荆芥蟬退連翹以去肌表之熱即落矣

一痂紅紫者乃血熱毒盛也當涼血解毒

一痂白者血不足也不治雖過四十日還死以因漿水淡故痂白急用保元湯合四物湯加白木

陳皮紅花老米

一痂後身熱不退或寒熱往來用小柴胡湯虛則補中益氣湯俱加黃芩

一痂後唇乾口渴熱甚不解者大連翹飲主之

一痂後虛煩不眠者竹葉石膏湯 煩渴謔語者

辰砂益元散



一痲後口噤殭直腹痛透臍冷汗如雨痛定汗止而脉弦緊者因痲受風寒也宜散風養血用釣藤湯加紅花木香川芎芍藥當歸甘草白木青皮官桂生姜

一痲落肌肉尚嫩出見風早遂成癩癰有膿汁出者燒牛糞灰敷之 痲不落搨搨搔致成瘡風瘡者宜消毒飲加苦參當歸外用金華散或乳香韶粉散 遺毒生瘡不已者活血當歸湯宜灸風池曲池三里則永不發

一痲後遍身青紫癩瘰口噤痰响者由氣血虛弱而受不正之氣也用蟬退一錢姜汁薄奇汁入酒一盞調服得汗即愈

一痲後手足忽然拘攣不能屈伸轉動者由血少不能養筋或因風寒濕三氣使之然耳不可輕用發散反耗其血只補脾養血則瘳當歸桂枝湯治之

一痲後赤火丹毒惡候也從頭上起者過心即死從足下起者過心腎即死內服玄參化毒湯



一痲後牙齦生瘡時出血謂之牙宣呼吸息謂之息露以走馬疳也由熱在陽明急用蠶退散敷之如唇腫面浮穿鼻破頰潰喉腐肉飲食不入者死

一痲後發癰者皮膚間隱起成疔瘡或由毒氣未得發盡藏於皮膚或發痒搔之而成者或因受風火相持而成者以吉兆也欲發出無使停留以變他疾如發太甚不已者內服防風葛根湯外用蜆子水洗之如無用六一散拂拭之

一痲後兩目不開惡見明者謂之羞明惟向暗處敢開也涼肝明目散主之若暗中亦不敢開者以即防目中翳以望月沙散治之

大宮詹少溪吳馭閱校



一 咳逆而自不聞息者何者肺之虛而逆也  
 二 咳逆而自不聞息者何者肺之虛而逆也  
 三 咳逆而自不聞息者何者肺之虛而逆也  
 四 咳逆而自不聞息者何者肺之虛而逆也  
 五 咳逆而自不聞息者何者肺之虛而逆也  
 六 咳逆而自不聞息者何者肺之虛而逆也  
 七 咳逆而自不聞息者何者肺之虛而逆也  
 八 咳逆而自不聞息者何者肺之虛而逆也  
 九 咳逆而自不聞息者何者肺之虛而逆也  
 十 咳逆而自不聞息者何者肺之虛而逆也





